

福建叢書 第二輯之四

福建省文史研究館選編

居業堂詩稿
(二)



福建叢書 第二輯之四

福建省文史研究館編


清·李馥著

居業堂詩稿 (二)

江蘇古籍出版社

居業堂詩稿

元夕懷陳需齋



士寅

車馬喧闌夜不休傾城士女恣遨遊故人
靜賞吟詩閣有客閒憑一覽樓梅鶴孤清
寒更韻香塵爛漫曉偏愁繁華汨沒身心
溺得似先生礪素脩

鼎沸笙歌聒耳頻超然兀坐靜驅塵銀花
絢爛酌佳節辟月清明伴老身窈窕琴書
腹道味紛紛僕馬闌遊人太和洋溢充肢

體醉盡溫于造化春

早春

春意回窮律
相闕樂意饒
和風變衰艸
載酒玩晴宵
平野花微發
陰巖雪半消
行行幽興慙
明月媚相招

鄭陟連至

廿載遠遊客
天涯知己稀
石頭聞汝至
顛倒着裳衣
踈率猶今在
容顏較昔非
書窓閒話久
細雨入簷飛

倦客

終日似山居塵埃痛掃除到門無熟客養
性有奇書日月閒消遣身心攝靜虛玄情
渾簡率不省怪吾疎

閉門

擾擾漫騰喧冥心靜閉門座間無俗物談
笑爽吟魂樹下嘗茶味巖邊採水痕此中
殊自了默契更何言

殘春

誰挽陽春駕陽春去不回
林園為色減風雨任情催
老樹歌臨水清陰欲上臺
黃鸝偏解事時送好音來

靜坐

一室獨脩然清和曉霽天
閒能消永日老不計流年
文酒皆心累簾華豈俗煎
由來踈冷癖萬事讓時賢

送鄭少連

石頭日日苦思歸
轍迹因循未息機
自歎

浪遊羈水國忽聞買棹返山扉蛾眉雖妒
心終壯鶴髮彌稠事已非惆悵故人來又
去相思莫惜綵毫飛

自貽

靜觀時物理的的已如斯盛滿罔知警傾
亡更不疑人心何所戢天道揔無私芳草
歲寒盡獨留松檜姿

落花

如何春竟去萬片委泥沙濃翠搖風柳衰

紅失露花無人尋野徑有客卧煙霞悟得
浮生理遲遲日又斜

看松

緩步幽連裏孤標畫上難根侵蒼蘚合聲
挾碧雲寒已作虬龍勢休同桃李看後凋
留勁質霜雪敢輕干

柳

絲垂千縷碧悠悠帶露含煙撲畫樓擬學
陶潛閒種植劇憐張緒最風流參差綺陌

飄春盡長短柔枝綰別愁惆悵暮雲江樹
隔依依歸思不能休

小牕

小窓虛白愜清閒
世慮紛來自可刪
傲性何妨孤竹峭
齋心不減石頭頑
池平波以風生細
徑窄苔因雨潤斑
景物靜觀幽性遠
深林已有翼徐還

秋山

天以清秋曠遙峰淡若睂
林巒皆擢秀蒼

翠蕒呈奇雨歇歸雲擁霜輕谷草摧平生
愛邱壑晚晚更相宜

秋葉

秋風吹百卉涼葉落紛紛
薜樹無多剩綠
堦空幾分蕭蕭零白露
片片墮黃雲
深夜
疑疎雨歌眠枕上聞

秋夕

涼天眠不穩起坐默含情
破夢寒蛩聒窺
簷夜月清風塵銷壯志
羈旅感秋聲
惕若

中宵結 君親念兩縈

秋風

萬籟起天末
虛窓颯已涼
井梧飄密葉
庭艸偃幽芳
入戶侵衣冷
吹雲斷鴈行
聞聲占節序
漸欲履清霜

秋露

岸幘凭書檻
林間曉液明
松枝條玉筍
荷葉碎珠傾
氣肅蟬悲咽
宵寒雀感驚
草頭難久駐
賦質本來輕

秋色

亦有芳華在秋應不讓春山川日蒼翠艸
木得清真落葉知道歲薄寒切中人萎黃
循歲序不敢怨蕭辰

秋水

石出江容淨粼粼入眼明秋風一蕩滌寒
潦倍澄清兩岸蒹葭色中流鳬雁聲雲霞
波際落微暎遠山橫

秋月

浮雲清萬里月滿爛秋光露挹金波爽宵
深玉兔涼空明鑒形影彩艷動毫芒愛此
不能寐忘身客異鄉

秋日感懷

亭皋木葉又紛飛歲序殷流萬事非健翮
凌風蒼隼疾清溪垂釣白魚肥書傳閩嶺
遙相憶客泊金陵猝未歸靜夜砧聲喧入
耳一輪涼月自輝輝

露冷風號萬木殘半簾清瘦竹光寒葉飛

時作晴窓雨霜肅俄催衆卉丹壯不如人
今且老愁驅無術強為歡天涯飄泊成何
事匏繫誰憐去住難

獨坐

獨坐靜喧囂幽齋夜寂寥疏砧盈耳畔病
葉急風飄生我思難報懷鄉路更遠松楸
空悵望腸斷此秋宵

遣大猷大臨歸葬祖父母

涼天別汝輩涕淚不勝情一棹秋江上千

山風葉鳴音容徒託夢揚顯媿虛名若芥
封知就殷勤荷鍤成
欲別黯無言含悽淚雨奔秋江平少浪霜
露冷銷魂祭告慚為子歸藏賴汝孫白雲
回首望腸斷故山村

秋懷

鵲喚羣芳歇蕭條欲不禁秋風吹客鬢涼
月照鄉心天地清商變魚龍偃卧深露凝
松柏茂不受歲寒侵

哭常制臺

六載焦勞宵暫安撫民經國寸心殫平反
况瘁炎輕冒藥餌乖方生已殘星隕天邊
嗟象暗斂沉水底失光寒傷心到處長垂
淚拙腐誰能國士看

危疾前春欲起難旌幢過我勸加餐誰知
賤子還無恙不料先生竟闔棺千里路人
私祭祀兩江節屋重凋殘子期逝後枯桐
在長匣塵絲不忍彈

避人

避人真自足何用更虛名
野鶴冲霄唳秋林落日橫
多言能召海無辱即為榮
索簪吾家訓脩然物外情

搖落

搖落江天晚能生久客愁
鬢毛全異昔草木亦驚秋
書帙從塵積生涯不自謀
寒花團玉露入眼倍清幽

日落